



Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Reykjavík 16. desember 2020

Meðfylgjandi er umsögn Barnaheilla - Save the Children á Íslandi um frumvarp til laga um breytingu á ýmsum lögum um skatta og gjöld (skattalegir hvatar fyrir lögaðila sem starfa til almannaheilla). (Þingskjal 416 — 342. mál, 151. löggjþ.)

Virðingarfyllt,
f.h. Barnaheilla - Save the Children á Íslandi

Erna Reynisdóttir,
framkvæmdastjóri



Umsögn Barnaheilla – Save the Children á Íslandi um frumvarp til laga um breytingu á ýmsum lögum um skatta og gjöld (skattalegir hvatar fyrir lögaðila sem starfa til almannaheilla)

Barnaheill – Save the Children á Íslandi þakka fyrir tækifærið sem þeim er veitt til að gera umsögn um ofangreint frumvarp.

Barnaheill lýsa yfir ánægju sinni með fyrirhugaðar breytingar á lögum í þeim tilgangi að skapa skattalegan hvata fyrir lögaðila og einstaklinga til að styrkja og efla starfsemi almannaheillafélaga. Barnaheill fagna þeirri viðurkenningu sem birtist í umfjöllun ráðuneytisins um málið, að starfsemi almannaheillafélaga sé samfélagslega mikilvæg og þakka fyrir hana.

Barnaheill styðja þær hugmyndir sem fram eru komnar um breytingar á lögum og um þær leiðir sem lagðar eru til. Samtökin hvetja þó Alþingi til að stíga skrefinu lengra í því að veita almannaheillafélögum undanþágu frá greiðslu virðisaukaskatts, með því að undanskilja alfarið, ekki einungis tímabundið, hvers kyns sölu á varningi eða þjónustu almannaheillafélaga frá greiðslu virðisaukaskatts þar sem gera má ráð fyrir að sala sem fram fer á vegum almannaheillafélaga sé gerð í fjáröflunartilgangi en ekki í hagnaðarskyni.

Hvað varðar endurgreiðslu innskatts sem kveðið er á um í frumvarpinu, benda samtökin á að endurgreiðslur innskatts vegna mannvirkjagerðar koma sér vel fyrir hóp almannaheillafélaga, en alls ekki öll. Hins vegar gæti það orðið til mikils gagns ef úrræðið væri útfært með þeim hætti að almannaheillafélögum yrði endurgreiddur innskattur sem greiddur er við kaup á ýmissri annarri þjónustu, svo sem ráðgjafarþjónustu, markaðsþjónustu, framleiðslu kynningarefnis og fjáröflunar auk annarar þjónustu sem nýtist félaginu í að tryggja rekstrargrundvöll og miðla upplýsingum til almennings og hagsmunaaðila.

Barnaheill fagna því að málið skuli hafa verið lagt fram fyrir þing og hvetja til þess að það fái vandaða meðferð og munu leggja sitt af mörkum til að styðja við að það fái framgang.

Barnaheill vinna að bættum réttindum barna og hafa Barnasáttmálann að leiðarljósi í öllu sínu starfi.